

靖安縣志卷之一

地理志

周禮職方氏掌九州之國使同貫利凡山川民物靡不具詳其後劉向畧言地域朱贛條記風俗班固因之以作地理志所謂不出戶庭周知天下之故大政遠猷皆從此出矣靖邑僻在豫章西鄙彈丸蕞爾原非赤望之區然善治者不以地之小而或有異施且雷封百里亦儼然與古侯服等爲之正疆界以謹其封守審風尙以善其整齊則是□之作其亦守土之要防而臨民之首務與

靖安縣志

卷之一

地理

一

星野

冠星野於疆域之首尊天文也顧桐城劉氏大櫬有言茫茫天宇附會維難言襲公家大而無當舊志引據晉書以一度二百五十里準之自與會垣同度然一統志又有南昌入斗八度之說則推步洵難言哉星野之說載在周官而散見於左氏史遷著天官書占驗尤爲不爽漢志以吳地爲斗分野晉志以揚州豫章入斗十度魏太史令陳卓蓋亦云然宋黃庭堅云勾吳之區維斗所直豫章屬吳於辰爲丑於次爲星紀與越地同而其入宿則越牛而吳斗斗十度爲豫章之分星靖去郡甚邇其

爲斗十度無疑矣 舊志

疆域

縣治偏處一隅東南隘而西北長辨方正位應以縣治爲準舊志不無小誤特細爲訂正其詳具著於圖

縣治在府西一百六十里東西廣一百四十五里 舊志一百一十五里

省志一百二十里 南北袤七十五里 舊志九十五里蓋以府志一百五十里

北府志一百里 而東至南康府安義縣齊頭山界三十五里

舊志三十里至安義桐城界 西至茅竹山義寧州界一百

十里 府志同舊志 南至奉新縣烏嵐舖界二十里北至南

康府建昌縣壽安山界五十五里 舊志八十里至武甯朱家山界案朱家山近爛

靖安縣志

卷之一

地理

二

草湖在縣治西 東南至奉新縣分水均界十五里 府志十里至奉

新洪山界 東北至安義縣珠珞山界三十五里 府志三十里至建昌縣界未指

明何地 西南至奉新縣土塘界十五里 府志十里至奉新石嶺界 西北至

爛草湖武甯縣界九十里 府志一百里至武甯南鄉界 陸大路至省由

奉新縣一百六十里徑路由奉新宋家埠一百四十里由

新建牛路嶺一百二十里水路至省由吳城鎮三百六十

里由老鸛嘴約三百里驛路由奉新至江南總督治一千

四百七十里 舊志一千七百里茲 至

京師三千一百九十九里 舊志三千七百里

案邑四至之內舊不通驛東南阡陌狹削西北嶺路崎

嶇乾隆十四年典史崔宏道督工修治行旅便之

舊志

縣分五鄉二十八都三十一里而志內都名正十八蓋一都有分爲二圖三圖者舊卽以圖爲都至道里遠近已詳圖說不贅

附城二都

曰承恩坊一都一圖

曰西新廂一都一圖

招賢鄉三都

曰南源一都貳圖龍津里崇阜里隸焉

曰忠夏一都二圖崇正里厯練里隸焉

靖安縣志

卷之一

地理

三

曰礫坑一都一圖萬華里款焉

南義鄉三都

曰富仁一都二圖龍岡里神洲里款焉

曰棠棣一都二圖桃源里梅田里隸焉

曰新興一都一圖長豐里隸焉

靖安鄉三都

曰益田一都二圖登眞里芳潔里通仙里隸焉

曰石馬一都一圖懷德里隸焉

曰上安福一都一圖福勝里隸焉

長安鄉二都

曰夏陂一都二圖常源里永寧里依仁里隸焉

曰東江一都一圖紫秀里文貴里隸焉

羨門鄉五都

曰熊仙一都三圖文行里慶源里桃源里隸焉

曰大梓一都一圖寶慶里隸焉

曰下安福一都一圖昇仙里隸焉

曰象湖一都一圖崇善里思賢里隸焉

曰追里一都三圖興文里桃山里思善里栗山里隸焉

沿革

舊用表今改以志蓋志一邑之沿革卽以一邑爲斷

靖安縣志

卷之一

地理

四

其累朝統轄之不同有府志在可從畧焉

靖安南唐舊縣也在禹貢爲揚州之域商周並同春秋時屬吳越滅吳屬越楚并越屬楚秦屬九江郡漢爲豫章郡地景帝三年豫章郡領縣十有八第十四曰海昏靖安在其境內新莽改豫章曰九江改海昏縣曰宜生東漢仍復舊置永元十六年分海昏立建昌縣其地歸建昌六朝遞屬建昌俱隸豫章郡陳永定初年析建昌等五縣置豫寧郡隋開皇元年廢郡置洪州總管府大業二年廢州復爲豫章郡唐武德五年仍爲洪州天寶元年復改豫章郡乾元元年又改洪州而建昌總爲屬縣廣明之後草寇侵掠本

州以建昌縣之靖安孝悌兩鄉去州稍遠乃置爲靖安鎮
楊吳乾貞二年升爲場南唐昇元中始立爲縣析建昌奉
新武甯三縣之地以益之仍款洪州顯德六年升洪州爲
南都南昌府縣隸如故宋開寶八年改府復爲洪州隆興
元年又尊爲隆興府縣仍隸焉元初亦款隆興府至元十
四年改府爲路二十一年改隆爲龍靖安名仍其舊至正
十八年僞漢陳友諒據龍興明太祖壬寅取龍興路尋改
南昌府洪武九年罷行省置江西布政司以南昌爲首府
領縣八靖安爲第六縣

國朝因之爰定爲簡缺云

靖安縣志

卷之一

地理

五

案郡縣釋名云靖安因里名鄉因鄉名鎮因鎮名場因
場名縣則靖安在唐以前本里名也

山川

舊志分列平序門類雖別而脈絡或淆茲叙山則分
爲三幹敘水則區以二流原委井然按圖可索

南幹之山

曰龍頭均從茅竹山來

北出曰白沙坪

曰華家山在南源瑙子上高士金孟庚隱此

曰大湖塘

南出曰白雲峯高五百丈下有尋仙庵

迤東曰雲陽山下有黃佛寺寺旁石壁有摩崖書白雲深處四字相傳名僧過此題

曰荆山縣西八十里

曰當歸湖連接十三峯頂有池寬數百畝不溢不涸下有香象庵

曰委源洞一名呂陽洞洞深三十里南通奉新洞口峭石嶙峋非攀蘿附葛不能入昔邑人舒厚叔避兵於此徐

世溥有記

曰發風嶺

靖安縣志

卷之一

地理

六

曰鷹嘴崖

曰夾口嶺南水出白沙入奉新境

曰北坑

曰積仙洞松篁夾道徑甚幽曲石上有仙人足跡

曰璞峯嶺高數十仞形家謂奉靖二邑縣治龍脈從此分當歸湖支出者曰南嶺山勢雄壯綿亘數十里

迤東曰葛坪嶺

曰龍岡洞角水出焉萬坊保里人新建石塔於上明況鍾有龍岡八景詩

又自牛塘口北折而起者曰仰天湖山分東西行東至亘

田高湖西抵乾灘崖口

夾嶺之上支出者曰雙尖峯縣西四十里舊名雙峯今加一字與縣北之雙峯別唐何葛飛昇於此下有瑤壇石爐遺蹟歲旱禱雨輒應

曰羅漢崙

曰藤峯

曰文仙山迴溪之水出焉

曰葛仙山卽瑪瑙崖縣西二十里漢葛洪居此山頂平曠有鍊丹壇飲馬池遺址壇左有葛仙庵後爲華藏院久廢明正德間草寇胡雪二據此後討平之

靖安縣志

卷之一

地理

七

璞峯嶺之東北出者曰橫嶺形如展軸術家指爲縣城龍胛所起

曰將軍腦

曰土地腦

曰狐尾嶺縣西里許岡阜重叠勢趨縣治上有神壇
狐尾嶺南出旋轉而特峙者曰文筆峯又名尖山縣治向之

又橫陳如玉几者曰登高山上海文峯塔茲於道光四年重修顏曰霽峯塔

曰三台山縣東三里馬草湖上南河繞縣北從此而出形

家謂之三台水口

曰金城山縣東五里馬草湖繞其麓按省志誤云縣西北
文筆峯南岐出者曰神馬岡

曰青山

璞峯嶺之東出者曰鄒家坵石馬水出焉

曰破岡

曰社岡

曰分水坵

曰顧山

中幹之山

靖安縣志

卷之一

地理

八

曰大坵崙縣西百里從大湖塘來高聳入雲蜿蜒東落

曰管家坵

曰雞籠尖高三百丈下有金華寺

北出曰黃茅嶺縣西北六十里峯迴路轉百折千盤行者

苦之康熙二十六年建茶亭於山坳三十一年建庵亭

側有僧住持四十八年置田地以贍施茶之費嶺側曰

大洞嶺北有七里長坑入礫都

折而東曰八字嶺

曰九洞山縣西北四十里在富仁都石磴盤紆環峯疊嶂
有龍鬚藥臼車箱等洞竹葦蒙茸水石竒異

曰青溪山卽劉脊虛詩所云春與青溪長者也

曰拖版崙氣象雄俊常有雲封芳草青慈禱雨輒應下有白水洞泉出桃源溪堰灌溉數十頃

曰桃源山縣西北三十五里在棠棣都峰迴谷合屹然高踞林木杳藹水泉清澈宛若武陵東有鶴嶺西有雲山西北有仙姑壇東北有桃源庵又名資福院唐校書郎劉脊虛居此卽刺史吳兢所表爲孝悌鄉者也宋處士劉子虛亦隱此釋巽中遺詩有放懷桃花源寄傲雲窻春之句 案省志桃源九洞誤併爲一

曰名山縣西三十里與鶴嶺對峙宋洪芻佑聖院記云右

靖安縣志

卷之一

地理

九

鶴嶺而左名山長溪出焉

曰華山華源北下有華坊村

曰葛陽山桃源東南上有鍊丹壇石牀

曰曹仙洞縣西北七里許瑤草丹砂傳爲聖蹟

曰曬袍山縣西五里形排疊如堆袍

曰雙峯一名白雲封在縣北吳憇山西二小峯如丫髻可愛

曰吳憇山縣北五里在白雲繡谷之間世傳真人吳猛逐蛟憇此

曰繡谷峯吳憇山東一名幽谷爲縣治後屏山半飛泉如

練上有坦處宋僧巽中常登吟眺明邑人舒春陽構姿
天閣於此今廢

曰幡杆尖繡谷東狀如旗幡

曰火焰山頂多白石上有巨人跡餘支循河至湖西墩入
奉新境

曰洪山火焰山東與奉邑交錯

繡谷之北曰塔里山水出石霞

曰天香崖下爲揚鶴坪有來鶴觀萬峯羅拜頗饒勝槩道
士鶴野尸解於此

曰押灘嶺下瞰北河

靖安縣志

卷之一

地理

十

曰諶母嶺在下安福都世傳諶母飛昇處許旌陽劉懿貞
拜謁於此桃花夾徑上有石壇爐竈石上硃印宛然
迤東曰九里岡

北幹之山

曰朱家山在忠夏都從大坳崙北分來

曰雙坑洞兩山對峙一徑微通居人結屋於山非午不見
日色比之一線天

曰爛草湖朱家山西接壤武甯

曰峽洞雙坑洞西

曰哨前山雙坑洞口設有塘汛每年會哨於此

曰龍門山峭前南

曰白崖山峭前北入礮坑都縣西北八十里峭壁入雲排
峯如鋸無徑路可登禽獸異狀時現怪物歲發狂風每
傷秋稼此都田畝因之減則

曰洪屏山縣北七十里山頂寬平峯環如城路只一徑恒
爲逋藪雍正六年異地民欲私墾里民涂方漢等呈縣
詳上憲勒碑永禁

曰牽牛嶺

曰寶珠峯在大梓都石門山內下建寶峯寺唐釋馬祖葬
處也宋紹聖□□爭禪師亦葬此其峯尖圓四面青草

靖安縣志

卷之一

地理

十一

中圈獨黃望如佛頂珠

曰宴坐巖寶峯側旌幢山下宋袁陟有詩

曰寶蓮山寶峯南形如蓮花 案舊志寶珠寶蓮誤合爲
一省志沿之然實二山也

曰石門山寶峯南兩峯對峙河中下滙深潭唐權德輿有
記碑石久失

曰大梓山內有青猿洞

曰遼源山

曰城崖山石崖壁立如小城上有寺

曰齊雲山俗呼齊頭山在台山北

曰台山本名抬頭山上有寺相傳朱文公曾登此望靖安

東卽安義境

南河水源一出茅竹山白沙坪一出龍頭坳白雲峯分流至

東源東過小塘南下向霧繞苦竹口茶坪龍邱諸水由東

出龍洞北至大礮以上僅容非本地篾龍洞最險稍失分東

至西頭始通楫由下園委源洞來入焉崖口牛塘入口水西北折

乾灘出山口水自茅八疊入焉復東經下觀九洞來入焉巨

田滙潭於青高湖洞角水自南來由韶南過中港東逕土

門白源諸水北來入焉過哲里復南繞沙港積水合出迴峯

南溪盆入焉東達灌洲南來入焉北抱仁慈山上林水自又

靖安縣志

卷之一

地理

十二

南抵石磯頭又東繞縣治北石磯頭下分出支流通青湖

與正流合故縣別號雙溪不後港入南北兩河也東下香田

南港塢北關錦橋諸水皆會後港東趨鴨婆潭石馬源諸水

北來入焉至吉羅南來入焉西南趨鴨婆潭由雅橋顧山

自南來分東來坳諸水由東出奉新乾洲北過鄭洲塔里之

石灰塘自東來坳諸水由東出奉新乾洲北過鄭洲塔里之

北河之水源自東來坳諸水由東出奉新乾洲北過鄭洲塔里之

出於管家坳歷蘆田至南村與峽北循柏葉湖東北過礮

坑下入焉中自西來長坑諸水自南出港口茗岡諸水自

東至港居坪始通楫環磬崖繞毘盧南下泐潭寶東西北來入水

焉岐於湖田舖合出石門藕潭東澗大橫溪水自寶峯東來宋殿丞袁陟有詩福源

水亦自東來南益於華坊梓源水自西來入焉東至宋坊焦坑水自西來入焉

繞押灘嶺大梓水自北來周郎埠水自南來俱入焉南過項坊東至詹坊幕源水自

口來南經象湖東趨棠港有潭極深秋時澄清見底澹石遊魚如在鏡中南至仁

首老屋嶺諸水東過港頭仁首下河水歧流中又南逕

姚家埠遼源樞溪諸水自西北來至桐城與南河會

形勝附

舊分形勝關隘為兩門其實形勝之險要視乎關隘之阨塞非徒以山水清美侈遊觀也茲就疆域所暨為表其險夷之象境內情形瞭然在目矣

靖安縣志

卷之一

地理

十三

邑處萬山中羣峯聳翠雙水夾流文筆卓峙於前繡谷屏障於後萬家烟火正在清華間矣東南與奉新安義犬牙交錯周道如砥擊柝相聞西則茅竹山毘連義寧龍頭均又與奉新九仙湯接壤北則朱家山為通武寧要路其間道別出雙坑洞徑仄侵雲盤迴紆阻况復白崖洪屏諸山連亘壁立尤為人跡罕到之區至瑪瑙崖夙稱險奧又其近年肘腋間者耳

水利

水利關於灌溉民生國計胥重賴焉舊志陂塘六十一所省志一百有餘茲悉照省志開列考乾隆辛未

舊志載有丈尺者仍各附於其下業主姓名概不登載
所以杜訟源也

舊額陂塘共一百五所

靖安鄉曰承陂在上安福都濶五丈灌田肆頃

私陂

洪陂在石馬都濶十丈灌田肆頃貳拾七畝八分

觀前陂舊志有觀前堰濶十丈灌田二頃當卽此

官陂在盆田都濶十丈灌田三頃八十畝

清湖陂

北津陂

靖安縣志

卷之一

地理

十四

南港陂

道塘陂

昭靈陂

上車陂

吳公陂

西新橋陂

黃花堰濶一丈深肆尺灌田二頃

小堰

鄭家堰濶一丈灌田七十畝

觀堰

土堰在上安福都濶貳丈灌田貳頃

院揚陂

太平堰濶一丈灌田二頃五十畝

西邊小堰

曹仙堰在石馬都濶一丈灌田一拾八畝九分

千工塘在上安都周圍伍十丈深五尺灌田二頃

李源塘周圍一百丈深陸尺灌田一頃二十畝

湖尾塘在石馬都周圍玖十丈深四尺灌田柒十畝

黃泥塘

巴田陂

靖安縣志

卷之一

地理

十五

清陂

白泥塘在盆田都方廣四畝灌田一頃五十畝

羨門鄉曰石陂有二舊志有石陂濶一丈灌田貳頃

新田陂在下安都濶一丈灌田九十畝

陂前陂

石崖陂

中陂

湖陂濶十丈灌田二頃

白草陂濶十丈灌田肆頃柒拾畝

崖頭陂濶九丈灌田一頃

中田陂

荒田陂

梅源塘

下陂舊志有茗源塘在追里都周圍玖拾丈深肆尺灌田

三頃捌拾玖畝當卽此陂

竹棚陂

層陂

潛下陂

南陂

熊師陂

靖安縣志

卷之一

地理

十六

周家堰濶一丈灌田一頃一十二畝肆分

黃土堰有二舊志有黃土堰濶貳丈灌田貳頃伍畝

山塘堰

城崖堰

田圳堰

小子堰

土塘堰有二

鄒師堰

雙新堰

清塘堰

戴家堰

箬源堰

白泥塘周圍一百丈深三尺灌田八拾五畝

百工塘周圍九十丈深三尺灌田捌十三畝

大岫塘

栗樹塘在熊仙都周圍五十丈深五尺灌田一頃

大甲堰周圍玖十丈深肆尺灌田七十柒畝

烏頭塘

洪家塘

徐家塘

靖安縣志

卷之一

地理

十七

羅家塘在熊仙都周圍九拾丈深四尺灌田肆十頃

破塘周圍柒十丈深四尺灌田九十四畝

大橫塘

小橫塘在大梓都周圍七十丈深三尺灌田三十三畝

灌塘

長塘

旱塘

萬家陂

鄒家陂

欄港陂

小古陂

張婆陂

大堰

南義鄉曰霍草陂濶十丈灌田一頃二十九畝貳分

梅陂在新興都

青溪陂有二舊志有清竒陂在富仁都濶十丈灌田肆頃

五拾一畝七分當卽此

旱水陂

烏沙陂在新興都濶十丈灌田千畝

廖家陂

靖安縣志

卷之一

地理

十八

土洞堰濶一丈灌田二頃四十畝九分

張家堰

河田堰在新興都濶一丈灌田貳頃四十畝九分

長安鄉曰林陂

吳陂在夏陂都濶一丈灌田四頃

梅陂在夏陂都濶十丈灌田三頃玖十伍畝五分

羊婆陂

判陂在夏陂都舊志作泮陂濶十丈灌田十頃

香陂卽馬草湖堰在東門外隄長陸拾肆丈五尺流分南

北兩圳圳口砌石北圳口濶七尺四寸灌東江田千餘

畝南圳口濶捌尺肆寸灌夏陂田陸千餘畝俱勒碑記
馬蓼陂在夏陂都濶一丈灌田貳頃

石陂

黃堰

長崙堰在夏陂都濶一丈灌田捌拾玖畝

冷水塘周圍捌拾丈深五尺灌田一頃二十畝

仁坑堰舊志有仁坑塘在東江都周圍柒十丈深捌尺灌

田三百畝當卽此

周家坡

招賢鄉曰苦竹堰

靖安縣志

卷之一

地理

十九

續增陂塘

松山陂卽熊仙陂在熊仙都濶五丈灌田三頃六十畝

落山陂在熊仙都邱家潭濶一十貳丈深三尺灌田三百

餘畝

化陽陂在追里都大畔橋下長一十一丈伍尺濶七丈五

尺灌田千有餘畝

兩美陂在熊都包姓門首左側隄長八丈一尺圳口濶七

尺柒寸灌田一千二百餘畝

張婆堰在黃田村朗惠廟前長肆十陸丈五尺灌哲里田

百餘畝

周家陂在象湖都濶一丈灌田九拾畝

大堰在夏陂都二畝瓦橋下首土名應家邊長一十五丈
高陸尺濶五尺灌田六百餘畝

雲山官堰在棠棣都二畝濶三丈灌田十餘頃

城隍堰濶五丈深四尺灌香田東西貳畝

石嘴堰在東江都濶三丈灌田四百餘畝

侯家灣堰在土門垵口長五十七丈灌田五百餘畝

泥广堰在棠棣都灌田一十頃有餘

利北堰在龍岡王姓基後灌田一百五十餘畝

層堰在熊仙都三畝土名靈崖山濶二十六丈

靖安縣志

卷之一

地理

二十

橫堰距層堰半里濶三丈二尺五寸

廻塘石堰土名廻頭山距層堰四里濶二丈五尺 以上

三堰自熊仙棠港而下至追里仁首西莊茂埠等處共

灌田三千餘畝

壇前堰在盆田都一圖土名雙港口高五丈濶二十四丈

灌田九百餘畝

白沙湖堰在盆田都一圖土名孫家村高陸尺長三十三
丈灌田一千四百畝

洋濠堰在東江都水自烏石潭入流至周家埠潛姓基側

兩圳分流南圳蔭靖之東江夏陂北圳蔭奉之從善鄉

奉圳低而靖圳高中設橋木一根康熙三十五年重修
乾隆十六年正月靖奉二縣會勘田新頒部尺量驗長
貳丈陸尺肆寸圍圓三尺三寸上下松椿二十四個安
橋木處所離靖圳口六丈四尺二寸灌田八千畝乾隆
十九年因奉邑監生余開佶等爭係奉民開鑿致本邑
監生潛曰寰等控告經南昌府知府朱若炳勘定詳准
永遠以橋木定爲準繩不許上下那移飭令勒碑載志
以昭徵信文案附載藝文後

上塘在追里都濶拾丈四尺

新增陂堰

靖安縣志

卷之一

地理

二十一

崖下堰在富仁都灌田二頃

石亭新堰在縣西門外侯家渡頭灌田四十餘畝

葛仙堰在棠棣都灌田二百餘畝 以上三堰均於前修

府志案內據冊增入

茶坑古堰在追里都灌田八百餘畝

熊家堰在棠棣都灌田百餘頃

中港古堰在熊仙都濶四丈三尺長伍十餘丈灌田二百
餘畝

石壁古堰在大梓都濶四百餘丈灌田千餘畝

龜山古堰在新興都濶四丈長貳百餘丈灌田陸百餘畝

吉樂壩在東江都吉樂渡上乾隆五十八年修築嘉慶九年重修

舊志

礮坑古堰在礮坑都南田墩自茶梓山合港口起至南田社尾長七里濶十八丈灌田一百五十畝

石門堰在大梓都自程陂下連洋螺河長百丈灌田三百餘畝

高陂堰在新興都濶二十餘丈灌田三百餘畝水自橫港入由高湖橋出

褚家陂在象湖都項坊大河長堰濶五尺零長五十餘丈開車港二里餘灌田百餘畝

靖安縣志

卷之一

地理

二十二

中港鄧家洲陂在新興都鄧家洲道光二十六年挑引灌南岸田三百餘畝邑人舒化民有記

蕭家灘堰在大梓都華坊下里許長三十餘丈灌田六十餘畝

西門壩附近西北城道光五年夏大水衝決隄岸僉議修壩錢炳妻劉氏倡捐五百緡闔邑樂捐勸舉舒涂二姓捐助不貲計共用工費三千有奇上自福清庵下至北門外錦橋沿河岸途皆固尙冀後來加培補焉

續志

香陂卽馬草湖堰前志備載自咸豐年間青山水圳洪水冲圮絕流十載晚稻無收至同治三年山上鑿石開圳圳濶

貳尺長二百餘丈始得通流引水灌田數千餘畝有記見前志今添補

管泉堰在富仁都濶二十餘丈灌田一百柒拾畝

老壇堰在棠棣都濶十餘丈灌田一百二十餘畝

桐車堰在夏陂都濶二十餘丈灌田二百餘畝

縣城七井

舊說縣案山火形故鑿井七所以鎮壓之

一在縣署聽訟廳左曰洗冤之澤

一在關王廟右曰忠貞之泉

一在顯福廟前曰里城舊泉

一在課稅局西曰行商之濶

邑人應君正舊建井欄

靖安縣志

卷之一

地理

二十三

一在塘下巷口曰鄉閭舊沐

一在縣南曰花封恩乳

一在聖堂廟巷口曰感應神惠

法藥寺井在寺內曰慈悲古澤唐僧馬祖飛錫於此值邑人疫作以錫鑿地出水飲之皆愈今井泉清潔大旱不竭

青龍井在縣前旌善亭側知縣井一成所鑿

分司井在 上諭亭後舊爲布政分司行署明正德間副使吳一貫勦賊屯兵於此時溽暑慮軍乏水於至公堂後命工鑿井甃以磚石一日而就後知府李承勛按部至縣命知縣萬士賢銘於井欄曰渫潔用爲美寒泉體爲竒體用

已兼備大成斯可至

井泉有二一在上安福都灌田數百畝宋殿丞袁陟有詩一
在石馬都上林東南灌田四百五十畝志以上各井俱仍舊不復重增

津梁

金沙渡卽黃富渡在縣西

北津渡在縣北後建橋今圯復改渡

官陂渡在縣西一里北石馬府志作砦馬誤

樟樹渡在縣東一里

雞冠渡在縣西十五里盆田都

水口渡在縣西十五里盆田都

靖安縣志

卷之一

地理

二十四

中港渡在縣西二十五里棠棣都秋冬易以木橋

仁首渡在縣東二十六里追里都嘉慶十七年里人公建木橋春夏水漲仍用舟

招賢渡在縣西北八十里礪坑都

義濟渡在縣西礪都小水公置田租拾陸石五斗民山五分

仁濟渡在縣西礪都廖家洲棠二劉成棟捐建田租拾貳石

古港渡在縣西四十里富仁都

棠港渡在縣東二十五里熊仙都

櫟田渡在縣北三十五里大梓都

鴨婆渡在縣東十里夏陂都

周口渡在縣北二十五里象湖都

吉樂渡在縣東南五里東江都

湯河渡在縣西三十里高湖以上舊志

凌崖渡在縣西南十里熊仙都從府志增

沙河渡在縣西十里

淺潭渡在縣東二十五里

下觀渡在縣西三十五里

廟前渡在縣北四十里寶峯龍王廟前舊志

北津渡前志在縣北門外今仍舊道光十一年邑監生胡祥

拔生員張立功張建功等募資置買石霞張姓墩等處田

租百餘石捐爲義渡 共計田租三十八畝

靖安縣志

卷之一

地理

二十五

塘埠義渡在縣西六十里忠夏都 計會租三十六石八斗

象嘴渡在縣西三十里新興都能氏族建有租贍渡

馬草湖義渡卽前志樟樹渡距縣東一里許道光二十八年

邑紳士以其地水勢奔駛改置於馬草湖之隈并募捐田

租百餘石以贍榜人往來者咸稱利濟焉續志

安瀾渡在縣西七十里礪都共會田五畝七分

石橋在縣承恩坊久圯

臨清橋在縣東南一百八十步府志明洪武中知縣曾允中建

青雲橋在縣東南一百五十步明隆慶三年邑人錢文五六

錢文八五錢中十二錢文百一兄弟建

北津橋在縣北門外宋邑人舒邁建後橋圯改爲官渡順治十六年其裔孫應中倡修石墩八座橋屋二十八間費繁不繼鬻產竣工南建石坊額曰觀音橋北建觀音石閣康熙五十三年六月六日大水傾圮雍正六年知縣黃天球倡同董事舒賢生涂光盛重修乾隆十一年署縣司徒宜復倡修橋屋葺南岸舊坊建天姥宮與觀音閣夾護橋梁董事舒采成舒親生舒書涂光簡乾隆五十八年水衝圯市橋在縣治西南卽花橋又名雷洞橋府志宋邑人舒邦佐妻閔氏建錦橋一名繡谷橋距縣治北三百步

南港橋在縣南半里宋舒邦佐妻閔氏建

靖安縣志

卷之一

地理

二十六

登高橋在縣東南半里宋邑人舒選建

清湖橋在縣西一里宋邑人舒逸建

黃石橋在縣西六十里明嘉靖間富仁都道士劉智惠劉傳

明余圓珊道淨等募修石墩木橋傍創庵院置袁洞山一

片東至羅宅山南至尖潭西至騎崙北至老路上栽杉木千餘根以備修葺雍

正三年知縣黃天球倡修石甕甫成而圯後邑紳涂玠更捐建墩屋復被水衝廢今合邑公建木橋

雅橋在縣南十里夏陂都

長安橋卽安定橋在縣南十五里夏陂都

章陂橋在縣西二十里新興都久廢

沙港橋在縣西十里盆田都明宏治年間書堂庵僧明清募建爲水衝廢知縣張伯祥重修嘉靖元年復圯四十年道士劉智惠募修木橋天啟間里人陳應慶三次捐建石檝通化橋在縣十里夏陂都

高湖橋在縣西三十里新興都嘉慶七年職員熊文炳舉人熊燧倡捐銀壹千貳百伍拾柒兩偕其族人合捐銀伍百貳拾貳兩改建石橋

塘埠橋在縣西六十里忠□都

北津後河橋在觀音橋後康熙三十年建

白魚橋在縣南十五里夏陂都

靖安縣志

卷之一

地理

二十七

解家橋在縣東十里夏陂都

長坑橋在縣西北七十里通武甯縣路

密溪橋在台山庵前通安義縣大路距橋五百步卽兩縣界牌

桃溪橫板橋在縣西三十里棠棣都乾隆十二年監生漆學

祿妻舒氏捐建

司徒宜有記
以上舊志

凝禧觀前石橋在縣北十里石霞保監生胡輝祖捐建

崖口石橋在縣北十里夏陂都石霞保里人公建

遼源石橋在縣北三十里熊仙都監生劉從顯捐建

洞口石橋在縣西九十里茶坪保里人劉姓公建

楓林石橋在縣西北九十里礮坑都茗岡里人周一茂妻程氏捐建

藕潭石橋在縣北四十里寶峯里人從九品萬友璧捐建

龍岡嶺下橋在縣西三十五里里人公建

舊志

報本橋在南門外南港墩乾隆四十二年舒先槐先楠兄弟

捐建

舊遺
今補

暗石港橋在縣北四十五里大梓都道光九年按照磨項先拔從九項玉筠監生議叙縣丞項茂春監生項超羣等捐建後被水冲圯今改建木橋仍捐田租二石爲修補之費其田坐落湖口坪上計一畝東至項田西至劉田南至程

靖安縣志

卷之一

地理

二十八

田北至蕭九會田

洋河橋在縣西二十五里新興都道光十一年里人職員熊文炳貢生鄧麟舉人熊燧生員熊湘鄧經華監生舒雲錦李步階等倡捐建石橋

華坊橋在縣西北三十五里大梓都道光十四年里人監生舒鵬妻羅氏捐建

源裡水口橋在縣西九十里南源都東源道光年間里人舒崇仁同室戴氏捐建併修石路五十餘丈

洋螺渡口橋在縣西北三十里大梓都道光年間里人監生議叙八品銜舒紱捐建

甕橋在縣西六十里塘埠忠夏都

仁壽橋在縣東北二十五里熊仙都同治五年里人劉錫杰

劉光鏊涂鴻鋆等集費捐建石橋

廣濟橋在縣西二十五里盆田都

水汾橋在縣西二十五里盆田都

羅坑水口橋在縣四七十里礮坑都

古蹟

古賢遺跡足資憑弔亦觀感之一端也其已見於山川者不復贅述

深柳讀書堂在棠棣都桃源山唐校書郎劉昫虛讀書處

舊志

靖安縣志

卷之一

地理

二十九

釣亭在縣東五里東江都烏石里邑進士呂延年令蘄春歸

築亭先塋之側日把釣其間名曰釣亭

舊志

案名勝志誤作呂延平張叔夜寄題有詩玩其詩意呂

商老時尚未遇卽已築有此亭否則張殉節已在靖康

北狩時呂歸田在紹興後張何由題咏其亭耶舊志蓋

襲名勝志之誤未及細考耳

舊志

隱賢坪在縣西北三十餘里上桃源之麓有村曰黃柏里峯

巖峭秀其林木蔚茂者爲雞冠尖行不七里有坪焉相傳

古有君子隱於是因而得名上有圓洞四時出風投以竹

木輒隨風而出土壤亦不畱焉視礮坑之怪風異矣以在

僻境故舊志遺之 續志

雙峯堂在縣北宋淳熙間邑人舒邦佐第進士歸築此堂以

見志自爲記 舊志

天澤池在縣治後宋舒邦佐所鑿池邊建望烟樓面池卽雙

峯堂今子孫世居於此 舊志

放生池在縣治南積慶坊一云在縣廨之北相傳舒邦佐致

仕歸嘗放生於此 舊志

製錦堂在縣署內宋紹興中邑令黃宗諤建元燬於兵明知

縣衡守敬改爲驛館後又爲主簿廨 舊志

百花亭宋縣令黃宗諤建在廳事後 名勝志

靖安縣志

卷之一

地理

三十

幽谷亭宋縣令黃宗諤建與縣北幽谷山相對僧權槩寄邑

令詩峩峩幽谷亭寂寞彭澤令絕景空自竒高標岌相映

名勝志

案舊志幽谷亭崇甯中知縣謝宇建而於建置官署內

又作黃宗諤前後互異茲據名勝志改正至權槩一詩

舊志作巽中繡谷山作與此小有異同見藝文

水木清華亭宋楊億知靖安縣治尉圃得舊詩碑於榛莽間

皆前代名士所作乃用曾南豐詩正在清華間句作水木

清華亭於縣治中 名勝志

案名勝志誤以楊億卽楊丈公致爲通志所駁謂輩生

億後不能用其語名亭考舊志職官表楊億爲靖安令
在紹興二十五年自別一楊億非文公也

袞繡堂在縣署內東北宋嘉泰間曹翽爲邑主簿多善政後
官至禮部侍郎人思其德作此堂以美之舊志

寒泉堂在縣南宋紹興間邑令吳秩建元季燬於兵明知縣
衡守敬改爲舖遞舊志

採芹亭在儒學前明洪武三十年教諭徐鼎建後爲水衝廢
舊志

植芳亭在法藥寺內明正德六年知府李承勛以勦賊寓此
手植柏四株於方丈前知縣萬士賢建亭美之久廢舊志

靖安縣志

卷之一

地理

三十一

雙溪亭在縣北球場之東舊志久廢建置無考

磨劍池在熊仙都凝禧觀前相傳許眞君磨劍於此其田化
爲水灌田數百畝至今不竭舊志

劍泉在東江都香田張家邊有一巨石許眞君至此馬渴卓
劍石上遂湧清泉馬蹄遺蹟猶存舊志

烏牛石在熊仙都和尙嶺石久成怪許眞君劍裂爲三遺跡
宛然舊志

石船在富仁都山麓長數十丈如船中有石圓如鼓相傳許
眞君逐蛟至此登山四望俗呼望蛟船舊志

石魚石硯俱在寶峯寺旁泐潭上石魚如木魚形扣之有聲

石硯貯水四時清漪以手掬之隨涸隨盈

舊志

響石在棠棣都雲山擊之有鐘磬聲明劉煥題其上云爾石之精金玉爾音鏗然一拊谷應山鳴

舊志

雙溪十景

南橋明月

南橋距城半里許週圍平曠流水潺湲清秋月夕遊人臨眺輒生曠懷

繡谷飛雲

繡谷在吳憩山東時出雲氣與山掩映隱顯明滅瞬息萬狀

靖安縣志

卷之一

地理

三十二

鶴嶺晴嵐

鶴嶺在棠棣都相傳仙人放鶴之處深奧岑鬱地勢竒異朝光激射迥如日照香爐

龍岡晚翠

龍岡在富仁郡道書載異人隱士多出入於此暮藹橫斜羣峯幕秀擬之如笑如睡尚未足狀其景

桃源春邑

桃源在棠棣都二劉隱居之所花明柳暗別是一村三春挈榼來遊有流水鱖魚之樂

棠浦秋光

棠浦在熊仙都又名棠港渡鷗飛鳧浴斷岸流沙水天一色彷彿人在鏡中

諶母高峯

峯在縣北十里石霞村高不過百丈而聳然孤踞下視眾山真同培塿固宜嬰母驂鸞

曹仙古洞

洞距縣十里與諶母峯相對四山環繞隱然一小洞天高臥抱雲心空太古

雙峯霽雪

雙峯在縣西四十里冬後寒山失翠此獨嶺秀孤松積

靖安縣志

卷之一

地理

三十三

雪初消遙望儼懸瀑布

丹井寒泉

丹井在棲霞觀之東劉懿真煉丹所遺水泉甘冽品茶者多取汲於此三峽中冷欲爭其勝

龍岡八景

龍岡烟樹 鷹島春雲 屏風疊翠 玉尺凌霄

東山石壁 古井神流 磬溪漁唱 西嶺樵歌

風俗

風之感人也微俗之移人也漸及其寢久遂一成而不可變舊志畧簡茲少爲增益歲時節候語皆徵實

痛乎風俗之移人是在慎所以感之者

靖邑自昔風俗淳美習尚敦龐舊有長官無事之謠言其四境恬熙可臥而理也近縣數十里平疇繡錯土居肥瘠之間每歲一再熟不等西北兩隅山多田少竹木之利稍饒人重去其鄉無富商大賈士人之外業農者十居六七士讀書以先蜚爲程不務爲風氣之說科第累朝不絕冠冕之倫矜介節飭廉隅其大較然也民風以完課爲重按期輸納不待催科農三時力田秋穫後復藝粟菽謂爲秋雜山氓尤勤苦巖棲谷處托命長鑱墾闢樵蕪至夜分猶守望不休有徒手起家十數年而晏然小康者蓋辛苦墊隘

靖安縣志

卷之一

地理

三十四

積漸使然耳冠禮久廢不行昏嫁慎擇門戶問名之始曰過帖繼而納采曰翦樣至行聘用布帛果餅之屬曰過禮居相近者或親迎昏之明日卽廟見喪事尙循家禮稱家有無不輕受賻贈惟篤信風水有因而延久不葬者則惑矣祭祀廟制多不用祧法然家各有祠祠必有譜遠近祖禰俱有祀田清明祭於墓冬至享於祠無或缺焉讌飲昔尙誠樸近日漸流華靡器具服飾亦多不古若積藏因以鮮充閭閻生計轉形日匱至熒惑鬼神崇信淫祀舊志云疾病信巫覡而不任醫藥今且以醫藥操諸巫覡矣移風易俗賢有司之責也

歲時禮俗立春日鞭春碎土牛民爭拾歸奉之以祈年元旦放炮仗啟門設香案盛供具祀祖及神至人日乃徹賓親賀歲置糖食果仁於茗盃以供客彼此互相招飲曰春酌初五以後里人各奉土神遍巡坊市以童稚裝點故事導於前及暮燈火通衢管絃徹夜十二日各廟起鼇山鄉落遊燭龍於社聯袂駢肩上女雲集上元翦紙帷燈挂於祖塋曰送燈宵則舂米洩團染采色盛盂梓以奉其先曰穀堆寓百穀豐稔之意點地燈以照耗合室飲圍圓酒宵深用酒果糗饗以迎竈俗以竈神爲奏善司命老婦之祭倍拳拳云十六日各燔薪於廳事祓除不祥呼爲踏勝新春

靖安縣志

卷之一

地理

三十五

勝景至是乃始告罷落燈風過攤神出市黃金四目猶然周禮之遺二月初三士人多聯社事以奉文昌蓋以戴筐六星主司祿籍故也清明展墓豐腆者用牲醴鼓吹貧家亦隻雞斗酒以祭焉端午競渡於三閭祠前至晚和歌唱大夫何處其聲悽惋動人立夏老幼競加餐飯六月六日食乾肉陳酒皆順時充養之義中元前一夕市米粉薦新是日焚冥鏹以祀先人薄暮通衢委巷遍插神香僧寺亦有開盂蘭道場者八月朔日邑人朝拜許真君趨走恐後有膝行至生米鄉之鐵柱觀者蓋其上昇處也中秋親友以果餅相遺南橋踏月獨饒勝景重九登高於東郊之山

其山卽以此得名冬至俱盛服合祭遠祖於家廟分胙歸薦於寢臘月以二十四日爲小年二十九日爲大年月小餘則前一日舉家相聚歡飲或忌外人女嫁來歸有避而不得與者除日灑掃屋塵黏宜春帖子至夜以果盒祀祖尊長以次遞拜謂爲辭年施放鞭爆用告歲除邑人舒性風俗謠七章其辭曰四城八社男粵峯女天姹鼕鼕鼓半月不夜其一執盾揚戈十家九儼婦孺尙尙尸祝孔多其二杜鵑躑躅墓門跼伏躑躅杜鵑墀間紙錢其三天中午擊河鼓有美中流鬪艾虎其四大暑穀流水禿中元春薦新熟市米粉成風俗其五長至會族肅雍親睦其六爆竹轟轟鑼鼓闐闐

靖安縣志

卷之一

地理

三十六

愷樂飲酒小年大年其七皆紀實也

氣候春陰多雨四月梅雨潤礎蒸溼之氣爲多六月恒易亢旱或至交秋不雨間發狂風早稻未穫有因而隕落者冬寒較會垣畧早山中十月卽雨霰寒極雪深逾尺積數十日不消夏夜可御薄綿蟲疇多爲虛設用以障風而已其餘大畧與省會同

前地輿志有風俗一門自歲時伏臘祈年報賽之類纖細不遺詳哉其言之矣竊以爲風俗之大者尙不僅是焉天下惟風之動也易入而俗之旣成也難改古者立教之法親百姓訓人倫凡以謹其動之者之端而終考其成也動之不謹則

其權遂移州居里處之中有數智黠者出表異自見其善也羣然慕效之其不善也亦羣然慕效之矣憶數十年前猶及見城鄉中景物蕃昌之象其先輩居官類慎處鄉類讓教家類嚴養生類儉服飾概無奢侈言動概無傲慢槩無羣飲博遊蕩之子弟族長相聯婚媾以類名器不濫公論有憑於戲何風俗之淳也待後間有衣冠市井之雄執官民長短蕩佚禮法不肖者或漸染而附和之幸不久而響寂煙消不至侵淫而戾俗迄於今時序遷移地方又凋瘠矣問今之蕃昌較昔之蕃昌何如乎問今之士習較昔之士習向如平問今之民風較昔之民風何如乎善否淳薄之間昭然若揭然則

靖安縣志

卷之一

地理

三十七

謹其始而持其終維持風俗端在於斯至於歲時伏臘祈年報賽之常雖雅俚無關大體然而踵事增華日趨浮靡亦地方窮困之由也有其責者豈忍聽之波靡哉

新增

物產

乾隆辛未舊志僅舉其空名未免太形簡畧然徒攬拾本草以誇土宜非本地所植雖多亦無當也惟同者彙而叙之異者表而釋之長篇櫟括或免簿籍之譏云爾

五土之性各有所宜靖藐焉一邑庶物生殖類多從同無特異者然物產足資食用不尙珍竒雖習見習聞而天有生

地有長人官物曲之利亦興不妨臚列以覘民生日用之取給焉日用最切者莫如穀穀之屬稻最繁黏者稌俗曰糯釀酒煎餳作饗燭花不黏者秈亦作粳饗殮所賴其種皆有早中晚三熟六月蟬鳴稻九月半夏稻晚者十月熟其色各異名亦別焉故糯有赤壳烏壳金銀冷水等稱秈有芒光白赤等號似秈而小者曰秈亦曰占以種來自占城宋眞宗時分種於各道故處處有之俗有觀音秈百口占麻占秋占茅葉占矮稿占瘦田占龍田占等名亦以遲早形色判之秈或再種再穫秈獨宜早皆水種也又有陸種宜口山畚穫亦早謂之乾禾其次有粟類分黃赤粘粳

靖安縣志

卷之一

地理

三十水

各種高原以代晚稻追里都爲多長穗呼狗尾粟梁類也拳穗呼鴨掌粟穆子也有非粟而蒙粟之名者一曰蘆粟蜀黍也別呼蘆稌一曰苞粟則玉蜀黍也俗又呼金豆其次爲菽黃大豆赤小豆及黑豆綠豆土皆產而不多有青皮豆一種色味獨佳土人多種之至粒之巨者爲蠶豆小者爲豌豆晚田種者爲泥豆植於阡陌曰田塍豆菹豆俗名豆角豇豆亦呼豆口所產皆夥足供蔬食又有刀豆漬以鹽糖更充茶料焉其次爲麥小者來大者弁所出不給恒取販於外郡有非麥而蒙麥之名者曰蕎麥秋種耐旱春種者曰苦蕎味雖劣亦以療饑其次爲麻巨勝也俗曰

脂麻種有黑白多以佐粬粒焉穀食之佐莫如蔬若薺若芥若芩若莧若菠稜萵苣同蒿菘蓬原萋紫蘇薤菜以及葱蒜韭薤等類與他邑無殊菘呼白菜則青湖港者佳秋末時隣邑來市者相屬別有白華菜柔莖蔓延一枝五葉秋開白花結小角含子如蠶沙春種夏菹香脆可口粵西亦有此種而味遠不及稽之芳譜莫得其名則靖邑所獨擅也藝臺俗稱油菜取子榨油冬田多種之不蒔而采者有馬齒莧冬莧睡菜苦菜各種又足佐蔬之不給焉蔬之別爲蓀有匏有壺蘆有瓜瓜名多與古殊越瓜呼稍瓜黃瓜呼芳瓜倭瓜呼南瓜天羅呼絲瓜錦荔支呼苦瓜似瓜

靖安縣志

卷之一

地理

三十九

非瓜則有茄有蘿蔔又有胡蘿蔔根似萊菔而紅葉則迥異薑椒茱萸椒角茴香之類邑皆產焉若夫蕨可爲粉芋可調羹薯蕷象形而呼脚瓣甘藷勤耨而號翻藹有以此代穀者矣蔬之外有果梨棗桃梅橘柚杏榴櫻桃木瓜葡萄枇杷暨夫李尙牛心棋呼雞爪君遷別於柿棹猴楂卽是棠杌皆果之最著者栗類最繁有大栗尖栗茅栗苦贅椽橡榭櫟等而榘又爲別種更有落花生產北河者佳水产品則蓮藕菱芡勃躋慈姑皆具芝栴之屬有木耳石耳竹菌地蕈取石耳者多胥索縣崖縋而剷之最爲危險可以驗生計之艱矣苞穉之蔬曰笋芡蘆間生澤畔而竹笋稱

盛冬月仰視竹枝卽知笋所在味不亞西山貓笋春則劣矣夏秋之竹根笋又鞭之嫩者也邑多山故宜竹種類實築噐用益廣篋齒扇骨邑人多以是貨於青陽者卽奉新火紙之利遠通江淮亦恆取材於靖揚州篠簜猶有禹服之遺焉其次莫如杉芟夷攘剔施功最難而收效亦迂不
僅以十年爲計故邑人近爭種茶子此木亦冒茶名而種類各別榨其仁以取油計一邑之所產歲取值逾十萬緡其渣滓製成枯餅亦供薪用然初種必頻耨膏腴旣竭山恆骨立草盡土鬆遇雨卽壅塞河流爲患終不如竹木之可計長久也其他松柏槐檀樟枏杞梓所在皆有種茶薺

靖安縣志

卷之一

地理

四十

者亦夥惟不工焙法微有烟火氣若得徽人治之松蘿奚讓焉物之衛生者爲藥其用根者有桔梗獨活麥蘗冬天南星青木香何首烏而木最優醫以代於潛之產野采則佳種者力簿玉竹卽是葳蕤黃精一名米舖皆最饒焉其用莖葉者有薄荷藿香豨簽虎耳夏枯穀精胡荽石斛而艾爲多用華實者有甘菊葛花梔子半夏金罌子馬兜鈴車前蘼藟而木連卽薜荔俗呼棚子揆洗其汁澄凝如腐謂之涼粉夏月人多食之又不僅藥用也本末花實並用者則有忍冬花號金銀栝萇根名花粉益母子稱茺蔚紫草苗呼紫茸而蒼耳之苗別名臬耳亦雜米爲餅餌焉物

之供雅玩者爲牡丹芙蓉芍藥棠棣蠟梅月季海棠繡
毬薔薇木槿之類多非土產惟葵菊山蘭爲最多植物之
外厥惟動物家畜無論矣羽族若燕雁鳧鳩子規布穀啄
木淘河皆有之而畫眉黃脰多供豢蓄山中怪鳥尤有莫
能名狀者獸則麋鹿兔虎豹狐狼獾狸獺田豕豪豬
無所不有山多故耳邑無大澤蜃蛤之利蓋鮑魚以泐潭
爲美名曰泐潭鮮邑人治魚爲鮓類取給於鄱湖擇其銳
首細鱗者剖而實以紫麴配鹽而藏之色鮮味永甲於他
邑烏石村有世其業者秘其製法雖戚好弗傳也山溪有
狗魚四足如獸生於水而亦陸行聲如吠犬味尤腴美殆

山海經所謂鯀魚者耶亦如獸類之有鯪鯉鱗物而山居
亦一異也至於鱗之毒者有蛇蝮蜥蜴等其尤爲民害者
爲蛟亦曰蠖孕於巖谷出則山石圻裂大爲水患或云雉
所化或云蛇遺卵而生古有伐蛟法不可不預防也蟲類
至繁難以枚舉可從畧焉貨之屬莫如布彈棉抽線而織
曰棉布禹貢所謂織貝也漚蔴苧者曰夏布採葛而爲者
曰葛布葛布最多絺綌皆備至於剪灰爲鹼釀藍爲靛煉
土爲甕缶瓦甃陶冶之利資用良廣食品則莫如酒有冬
藏其糟春深加水再舂而窳者謂之清明酒蓋醱夫醱者
也若醢醢醬豉皆以家造者爲佳凡以供日用取給焉耳

前食貨志物產門穀蔬花果鳥獸草木之類載之備矣其云上鄉多山宜竹種類實繁器用亦廣奉新火紙之利遠通江淮亦恆取材於靖則竹之利用遠矣第思奉可以取材於靖靖何不可任自爲之聞從前南河裏山本有起槽造紙者以本費息微而止察其故實由主者不親至任者非其人非入不敷出也近年北河裏山復有起紙槽者計歲出火紙花尖之利不貲將來產業多者皆可仿行誠能經理得宜亦地方興利之一端也

又貨之屬莫如布彈棉抽線而織之曰大布卽禹貢所謂織貝也邑雖種棉者少而能紡織者亦有其人近來民氣

靖安縣志

卷之一

地理

四十二

日形凋敝婦女無計資生惟搓爆竹作冥鏹以爲活所得亦微非本計也若於此時因勢利導推廣而勸行紡織以能者教不能一可引十十可引百則習之易棉由江省吳鎮轉運多寡可聽取攜則買之易日紡以四五兩計三四日可以斤計又以之易錢易棉則轉手亦易始焉學紡者多繼焉學織者亦多由城市以廣之各鄉各村將見家紡人織比戶盡機聲矣豈非窮民生計一大轉機乎竊謂價廉工省取多用宏貴賤咸宜城鄉皆便之事莫善於此見遠者其無或忽乎

物產門有麥小者曰來大者曰牟所出不給恆取販於外郡

然所謂不給者種之不廣非地之不宜也藁臺俗稱油菜取子榨油冬種春收各土皆宜種亦不廣惟近來北鄉自石霞以至宋坊華坊寶蓮等處每至暮春之初徧地黃雲舉目皆是牟麥亦稍多於前偶有白花相間者則爲萊菔花紅花相間者則爲紅花草五色炫爛殊少閒田詢之耆老僉謂近年北河所出菜麥亦復不資十年以前未有也夫農當歲晚務閒之際不費耕耘不妨稼穡祇須禁畜踐害便可增一春收宜夫北鄉一帶漸種而漸多也南河田土較之北河廣矣亦盍勸種而仿行之哉